



PORTAVÓS

VI GOVERN U KONSTITUSIONÁL



KOMUNIKADU BA MEDIA

Díli, Loron 16 fulan-marsu tinan 2017

Governu aprova Polítika Nasionál Turizmu nian

Iha loron 7 fulan-marsu, Governu aprova ona Polítika Nasionál Turizmu nian, ne'ebé dezenvolve atu kria kuadru klaru ida kona-ba polítika públika, ne'ebé importante atu asegura kreximentu ida ne'ebé mak efetivu, efisiente no sustentavel husi setór Turizmu, setór ida mós husi setór lima ne'ebé konsidera hanesan prioridade ba kreximentu no diversifikasaun ekonómika Timor-Leste nian. Iha dokumentu ida ne'ebé hanaran “Forma atu dezenvolve Turizmu to'o tinan 2030 – Fortalese sentimentu identidade nasional”, Primeiru-Ministru, Rui Maria de Araújo, esplika katak Polítika Turizmu ba Timor-Leste, “maka hanesan apelu ida ba asaun atu ema ne'ebé maka halo serbisu ne'e, bele serbisu hamutuk hodi haree oinsá dezenvolve potensial loloos husi ita-nia país hanesan destinu turístiku internasionál.”

Dokumentu husi orientasaun polítika ne'e hahú ho avaliasaun ida kona-ba benefisiu sira husi Turizmu iha Timor-Leste, iha dóminiu haat: ambiente favoravel, vontade polítika, infraestruturá no rekursu natural no kulturál sira. Dokumentu ne'e define mós dalan ida ba dezenvolvimentu setór ne'e nian iha Timor-Leste, no fó atensaun liu ba “sustentabilidade, comunidade, qualidade no kompetitividade empreza sira nian”.

Objetivu-xave sira husi Polítika Turizmu nian, to'o tinan 2030, maka hanesan:

- Reseita sira husi Turizmu husi rai li'ur, la inklui reseita operadora sira nian (tarifa aérea no taxa *ferry* nian sira), tinan-tinan bele hetan dólar amerikanu millaun 150 (tuir presu iha tinan 2016, ka presu ne'ebé ajusta ona tuir inflasaun, daudaun ne'e no to'o tinan 2030);
- Empregu iha turizmu aumenta ba 15.000 (dauaun ne'e besik 4.300);
- Viajante internasionál sira 200.000 sei mai iha Timor-Leste tinan-tinan, no sei hela maizumenus loron haat.

Tema sentrálima ne'ebé orienta polítika daudaun ne'e maka: sentidu **prioridade**; kompromisu atu hasa'e **prosperidade**; espíritu jestaun nian ne'ebé haree liu ba-ia **protesaun** rekursu natural no kulturál sira país nian no seguransa vizitante sira nian; **parseria** ida iha ne'ebé interesadu sira hotu bele iha lian ida de'it no bele fahe responsabilidade ba malu; no iha rekoñesimentu katak **ema sira** maka sai hanesan sentru husi atividade turístika sira no sira tenke fó ba sira koñesimentu, kompeténsia no hahalok ne'ebé adekuadu.

Atu garante susesu ne'e, Polítika Nasionál Turizmu nian ne'e esplora tema lima ne'e ida-idak ho kle'an, hodi define servisu sira Governu nian no servisu sira ne'ebé rekomenda ba Setór Privadu. Filozofia ne'ebé sai hanesan baze husi Polítika ne'e konsidera katak dezenvolvimentu setór Turizmu nian tenke sai modestu, graduál no sustentavel, atu “hasa'e impaktu pozitivu sira no hamenus poténsia influénsia negativu sira iha turizmu”. Nune'e, susesu signifika katak, to'o tinan 2030: “Timor-Leste bele ona koko aumentu signifkativu



Agio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl

iha vizita turística sira no reseita hirak ne'ebé sei iha rezultadu multiplikadór iha ekonomia tomak, hodi fó rezultadu iha rendimentu no oportunidade substansiál sira ba nasaun no ba comunidade lokál sira.”

Primeiru-Ministru dehan, iha dokumentu ne'e katak, iha fulan oinmai, Governu sei desenvolve estratéjia komplementár ida kona-ba implementasaun no planu asaun ida ne'ebé detalladu, ho medida espesífika sira kona-ba promosaun desenvolvimentu turizmu nian iha fulan no tinan hirak oinmai.

Portavós, Ministru Estadu Agio Pereira hateten katak “setór Turizmu ida ne'ebé moris no furak, iha sustentabilidade sosiál no ambientál, no ida ne'ebé bele kontribui maka'as ba empregu iha país laran tomak, iha possibilidade. Ema hotu-hotu iha knaar atu hala'o, hanesan mós vizaun ida ne'ebé ninian ne'ebé Turizmu sei dezempeña iha kreximentu no diversifikasaun husi ita-nia ekonomia, ho benefísiu ba ita-nia comunidade sira. Polítika Nasionál kona-ba Turizmu ne'e define enkuadramentu. Oras ne'e, iha serbisu kolaborasaun nian ida, neneik-neineik, maibé ho enerjia no determinasaun, ita konkretiza ambisaun ida ne'e” **REMATA**

